

Х. Н. ЧҮРГҮЙ-ООЛДУ ШАҢНАЛГА КИИРГЕН БИЖИИНДЕН

1944 ч. март 25

1. Хууда дайынчы алдар-хавыязының азы маадырлыг чоруунуң допчу, тодаргай бижилгези.

1944 чылдың март 5-те Т—34 деп танкының механик-чолоачызы биче лейтенант Хомушку Чүргүй-оол Киев облазының Рыжановка-Кобыляки суурнуң чоогунга дайзынның камгалалын чаза таварып турган тулчуушкуннарга кайгамчык эрес-дидим болгаш маадырлыг чорукту көргүскен. Биче лейтенант Хомушку Чүргүй-оолдуң башкарып чораан танкызы дайзынның камгалал шугумунче эң дүргени-биле чаза таварып киргеш, боолаашкын-биле база танк дугуюнуң илчирбези-биле дайзынның от точкаларын болгаш дириг күжүн чок кылып узуткаан. Биче лейтенант Х. Н. Чүргүй-оол танкызының илчирбези-биле дайзынның танкыга удур 2 үгер-бооларын, 3 станоктуг пулемёдуң база 15 солдаттарын болгаш офицерлерин чылча бастырган.

Биче лейтенант Х. Н. Чүргүй-оол дайзынның камгалалының ханызынга немецтерниң үгер-бооларын чуура бастырган, ынчалза-даа танк траншей оңгарынга дүже бер-